

SU MONUMENTU DE ARTZANA

Da milleotighentos metros de altura,
su Logudoro e sa Barbaricina
dòminas sa Costera s'Ozastina,
cun sa campidanesa pianura.

S'èssere tou est un'errosura,
su malàidu in te at meighina,
s'abba perenne frisca, cristallina,
ristoras totu cun s'aria pura.

Poi de jerru su biancu velu
ti coberit comente unu mantu,
t'inghìriat una bianca nue,

ma no est totu su ch'apo in anelu!
Gennargentu, t'onoro e ti vantu,
ca mannu mi bei so fatu in tue.

(In tue dormend'e ischidu,
Apo gosadu e b'apo sufridu).

Tomasu Taula (Annos '30)